

der ganzen Hoptsum gebenn vnnnd obgedachtem, Herren von pfeffers on sin löstung vnd schaden zu dero sicheren handen antwurten Item die überigen Sum so dann noch vffstendig plipt sollent sy jerlich dem gozhus pfeffers vff Sant martis- tag zinsenn mit gold oder gelt wie obbegriffen als lang sy wellent juen ist ouch gwalt zugelassenn das sy mögent, wellent sy ally Jar Fünffhundert guldy an gold wie obgemelt mit ganzem zins der hoptsum ablössenn vnnnd ob die mer stathafft werint abzulössenn jerlichen dan fünffhundert guldy soll von ein Hrn zu pfeffers mit sampt dem zins empfangen werden vnd alwegen was Jerlichen nit abgelöst wirt sollent sy In obgedachter Form vnnnd gestalt zinsen bis alle Sum abgelöst ist Doch sollennt sy alle Sum in Sechs Jaren abgelöst han unnd sollen zu yeder Jar ablosig Ein halb jar forhin Einem Hrn zu pfeffers kunt thun Darumb so hand die vorgeschribnen von Rütty in namen ganzer gemeind zu sycherheit obgeschribner Handlung ingesetzt vnnnd zu rechtem vnderpfand versetzt aller der ganzen gemeind Hab vnnnd gut ligenz vnnnd sarenz So sy hetz erkoufft oder for eigens habende nütz vßgenommen im ganzen Hoff gelegenn Wo es sach wurd das sy Sünig wurdent an der bezalung vnd der järlichen zinsen welliches Jars es sych begebey Das Dann ein her vonn pfeffers söllich jr hab vnd gut mög angrifen vnnnd zu des gozhus handen zihen mit oder on recht nach sinen gnaden gefallen Vmb söllichs damit ein Her von pfeffers sich nit bedörff mit einer ganzen gemeind ze bemühen, So hat sin gnad gwalt zwen vff der gemeind ze nemen Nemlichen Einen aman so ein Lantvogt zu Rinegk da hat vnd den Amann so die gemeind für hin jerlich setzt Die söllent dem gozhus jerlichen vmb das so obstat Fertigung thnn gentslichen on des gozhus kosten vnd schaden Wo aber schaden vmb söllichs Es wär wellichs Jars oder zitt vff giengi söllent